



ATASSUT
Postboks 399
3900 Nuuk
Tlf: +299 32 33 66
+299 34 50 00
+299 34 62 53
Fax: +299 32 58 40
atassut@greenet.gl
www.atassut.gl

22. februar 2006

Inatsisartut suleriaasianni § 36, imm. 1-iat malillugu Naalackersuisunut imaattumik apeqquteqassaagut: Great Greenland A/S pillugu misissuisoqarnissaanik qulaajaasoqarnissaanillu Naalackersuisut Inatsisartunut neriorsuutigisaat pillugu suliaq sumut killippa?

Inatsisartut 2006-mi ukiuunerani ataatsimiinnerat ammarlugu Naalackersuisut siulittaasuata oqalugiaataata 17. februar 2006-mi oqallisigineqarnerani ATASSUT-ip oqaaseqaataanut Naalackersuisut siulittaasuata qisuariaateqarluni ilaatigut ima Inatsisartut oqaluttarfiatigut oqaaseqarpoq:

” Taavalu aamma Atassumminngaanniit oqariartuutigineqartut ilagaat ammerivimmut tunngatillugu qanoq Naalackersuisut pilersaaruteqarnerisut. Tassani oqaatigissavara ammerivik piffissami kingullermik annertuumik oqallissutigineqarmat, politikkerit akornanni aammalu inuiaqatigiit iluanni. Tassanilu Naalackersuisuni siunnerfigaarput aamma puisit amiinut tapiissutit appartikkiartornerat tunngavigalugu, aningaasat, siunissami qanoq inissinnissaa eqqarsaatigalugu misissuinerit aallartineqassapput ammeriviup ingerlannga qanoq innersoq tamarmi qulaajaqqissarneqassaaq. Uanilu apeqqutigineqartut tamarmik aamma qulaajarneqarnissaat taanna neriorsuutigissavarput. Tassa ungasinngitsukkut aallartissavarput ammeriviup misissorneqarnissaa aamma ilaatigut immaqa tapertagarinngisagut taamaasilluta misissueqqissaarnitsigut. Tapigassarinngisaagaluagut immaqa taamaasilluta takusinnaangussavagut ilumut pisariaqarnerisooq tapiinissarput.”

22. februar 2006-mi ullup qeqqani radio avisikkut tusaavarput Naalackersuisut siulittaasuata oqaatigigaa Naalackersuisut aalajangersimasut taamaallaat amminut tapiissutit pillugit misissuineq ingerlanneqassasoq.

Naalakkersuisut siulittaasuata Inatsisartut oqaluttarfiatigut Inatsisartunut neriorsuutigisaa, tassalu ammeriviup ingerlarnga qanoq innersoq tamarmi qulaajaqqissaarneqassasoq, tassunga ilanngullugit ATASSUT-miit apequtigineqartut tamarmik aamma qulaajarneqassasut sumut pisimangersut matumuuna ATASSUT-miit apequtigissavarput.

Ilanngullugu Naalakkersuisut siulittaasuannut apequtigissavarput Great Greenland A/S-ip misissuivigineqarnissaanut aammalu qulaajarneqarnissaanut atatillugu suliffeqarfiup pineqartup qulaajaaffigineqarnissaa siunertaralugu pisortaa suliunnaarsikkallarneqarnissaa isumagineqarsimangersoq?

ATASSUT-miit apequtigut piaartumik akineqassasut kissaatigaarput, tassami suliaq pinartutut isigisariaqarmat.

Inussuarnersumik inuulluaqqusillunga

ATASSUT-ip Inatsisartuni ilaasortaatitai sinnerlugit:

Augusta Salling

Gruppemi siulittaasoq